

## Dusun - Agape Buuk do Kinorohingan - God's Love Letter Scriptures

**Yohanis 15:9** Om poingkuro nopo i Tapa' dot osianan doho', om iyo oku no iyoho'ddi dot osianan dokoyu. Om mositi' no do miagal di kowoyo-woyoo' do tulun di kosianan ku o kowoyo-woyoo' dokoyu.

**Yosaya 43:1** Oi Israil, pokinongou nod boros do Tuhan, "Kada' poddosi, tu' posion ku i' kopio iya'. Om nolohou ku no iya' do ngaran nu o rinait ku, tu' iya' no i winonsoi ku om songonuon ku.

**Yoromia 1:5** "Nopili' mantad ku no iya' dit a' ku po iya' nowonsoi do hiri'd tian di tina' nu, om tontok dit a' ko po nosusu; om nopili' mantad ku no iya' do silihon do nabi ku do kumaa dot id koinsanai'd bansa'," ka dau.

**Yohanis 15:16** Okon i' ko' iyokoyu o minomili' doho', suwai ko' iyoho' o minomili' dokoyu, om iyoho' o monuhu' dokoyu do mongua'd asapou --- i tua' dit a' rumaag. Om onuan kou indo di Tapa' do nunu nopo i pokionuon dokoyu dau dot id suang do ngaran ku.

**3 Yohanis 1:2** o sumambayang, om osonong-sonong ko i', om osimbayan ko, do miagal do ginawo nu tu' osimbayan.

**Yosaya 43:4** Patahakon ku nopo o koinsanai'd tulun do posowolion diya', tu' kigatang kopio ko i' dot id doho', om osianan oku i' diya' om pusohon ku iya', iri no o kapatahakan ngai' ku do bansa' do posowolion diya' do matai.

**Yoromia 31:3** om minintalang oku i' dot id diyolo' dit osodu' oku po. Oi tulun dot Israil, a' oku i' nokotingkod dot osianan dokoyu do mantad di gulu po, om tumilombus oku do popointalang kasai' do kosianan ku dit aiso' o kotingkadan dot id dokoyu.

**Hosia 11:8** Boros kad Tuhan, "Poingkuro oku daa do magada' kopio diya', oi Israil? Poingkuro oku daa do monongkiad tomod diya'? Milo oku i' tuu daa do mamaraag diya' do miagal di winonsoi ku dot id Adma ko' momohukum po diya' do miagal di pinomohukum ku do Siboyim? A' i' kopio ooyit o ginawo ku do wonsoyon ku o miagal diri! Tu' adalaan i' kopio kagayo o kosianan ku diya'.

**Yohanis 3:16** Tu' nosianan no kopio o Kinorohingan do tulun do hiti'd pomogunan, gisom do pinatahak dau i Tanak dau dit iso-iso', om pointikid-tikid do tulun di monongkuyaan dau om amu' no apatai, suwai ko' kaanu do koposion dit otopot kopio om i poingompus.

**Yosaya 49:15,16** Nga' boros kad Tuhan, "Kolihi toi o tina' di tanak dau, om a' toi iyou osianan di tanak do pinogkosusu dau? Mulong piya daa dot olihuan do tina' i tanak dau, nga' iyoho' nopo, i Tuhan, om a' i' kolihi

**dokoyu. 16 Oi Yorusalim, a' ku i' kopio iya' olihuan, tu' nokotulis ku no o ngaran nu dot id palad ku.**

**Yosaya 41:13 Iyoho' no o Tuhan, i Kinorohingan dokoyu; pokorison ku i' iyokoyu om momoros oku do, 'Kada' poddosi tu' uhupan ku i' iyokoyu,' ka," kangku.**

**Matius 28:20 Om tudukan no iyolo' do tumanud do koinsanai'ddi pinonuhuan ku dokoyu. Om soro-sorohon no dokoyu do moyo-woyo' kasai' oku i' dokoyu do gisom do kopupuson diti pomogunan," ka di Yesus.**

**Yohanis 14:1 Om boros ka di Yesus dot id diyolo', "Kada' kou katangkabo. Kotumbayaa'i kou nod Kinorohingan om kotumbayaa'i kou doho'.**

**Yosaya 41:14 Boros kad Tuhan, "Mulong piya dot oluhoi ko, om aiso' o pokukurayan nu, oi Israil, nga' kada' i' poddosi tu' uhupan ku i' iya'. Iyoho' no, i Kinorohingan dot Israil dit olidang o mamasi diya'.**

**Yosaya 43:2 Om soira' nopod sumoborong ko do waig dot aralom om woyoon ku i' iya', om a' ko i' oolitan do kosusaan; om soira' nopo do sumalag ko'd tapui om a' ko i' osorob, a' ko i' orualan di pogumbalan dot awagat do rumikot dot id diya'.**

**Sinding 23:1-6 Sinding di Daud Tuhan no o gompomogompi' doho', om haro ngai' ku no. (Gompomogompi' do dumba) 2 Pologoson oku dau do mundorong do hiri'd butur dit otomou. Potunudon oku dau do waig dit amu' opuhod. 3 Inwoguan dau o koposion ku. Ahakon oku dau do sumusui di ralan dot otopot, tu' iyo nodd'i o kowoyo-woyoon do ngaran dau. 4 Mulong piya' do kaway'a' oku do kubong dit iyo pod kapatayon o kotuongo', nga' amu' oku i' moddosi do koligagaanan, oi Tuhan, tu' moyo-woyo' ko i' doho'. Iri no tungkat om sukud nu o koinsasamod doho'. 5 Papaharo ko do poginakanan do maan ku, do hiri'd dokito di pisangod ku. Romiton oku i' diya', do miagal do tombului di suahon kopio. Om ihiban nu i sangkir ku do gisom do kalabai. 6 Iri no kosonongo' om kosianan nu o moyo-woyo' doho', do pointikid-tikid tadau do koposion ku. Om miyon oku indo do hiri'd walai nu, oi Tuhan do gisom do poingompus.**

**Yohanis 14:27 Poopungan ku iyokoyu do kosimbayanan do ginawo. Om i kosimbayanan do mantad id doho' o patahakon ku dokoyu. Iri nopo patahakon ku'ddi om a' i' miagal di patahakon diti pomogunan dot id dokoyu. Kada' kou katangkabo om kada' kou kooris.**

**Pilipi 4:7 Om iri indo i kosimbayanan do ginawo di mantad id Kinorohingan, it a' osuhutan do tulun, o poposimbayan do ginawo om pomusarahan dokoyu, i nokoiso' dot id Kristus Yesus.**

**Boros Dot Aralom 3:24 A' ko indo moddosi do mongoi odop, om oolong ko'd modop do gisom dot osuaban.**

**Sinding 4:9 Tontok do lumii oku om mipuwoyo' oku nopod koodop, om aiso'**

no o kagangau-gangau doho'; tu' iya' noo, oi Tuhan, i momogompi' om poposimbayan doho'.

**Sinding 33:18** Piantangan id Tuhan i tulun di mumboyo' dau, om i tulun di mogondos do kosianan dau dit aiso' o kotingkadan.

**Rum 5:2** Om pinopuriman kopio toko'ddi di Yesus di kosianan do Kinorohingan tu' monongkuyaan toko' i' di Yesus, om iri no kosianan diri ot opurimanan toko' do dinondo. Om iri no o kataadan toko' tu' haro noddi o soro-sorohon toko' do kaanu toko' di kosimbayanan do patahakon do Kinorohingan!

**Yosaya 55:12** Om tumongkiad kou nondod Babil do mikuwo'd otood kou, om posoliwanon kou di bandar dot id suang do kosimbayanan, om modsinding ngai' nondo i nuluhon om i nulu-nulu, om mimpangkis dot atataadan i kokoyuan.

**Yohanis 16:22** Om iyokoyu nga' iyo nogiddi! Tumongob kou daa do dinondo poo, nga' kosolowot oku indo kawagu dokoyu, om otood kou nondo; om iso' pod tulun nga' aiso' no o milo'd mongoi pongidu' di kataadan diri do mantad id ginawo dokoyu.

**Lukas 12:9** Nga' tulun nopo di mogolim dot id toguang do tulun dot ogumu' do tumatanud iyou doho', om olimon no iyou di Tanak do Tulun dot id toguang di moloikat do Kinorohingan.

**Matius 10:30** Om ino piya tobuk dokoyu nga' nointob i' dau o kogumuo'.

**Yosaya 54:10** Tu' mulong piya'd otuhan ngai' ilo nuluhon om ilo nulu-nulu, nga' a' i' otingkod o kosianan ku dot id diya', om i batos ku do monokiulud nga' igitan kasai' ku i'," ka dau. Iyo noddi o boros do Tuhan dit osianan diya'.

**Matius 11:28-30** Rikot kou no dot id doho', koinsanai dokoyu it ongohuyan, om i kopuriman dot awagat o binabo; om onuan ku i' iyokoyu do koinsanangan. 29 Tonudo' no dokoyu i ponuhuan ku om pinsingilo kou no do mantad id doho'. Tu' iyoho' nopo om alamaya' om osiriba' o ginawo, om osonong indo o topurimanan dokoyu. 30 Tu' iri nopo i ponuhuan ku om popoinsonong i', om iri i pababaan ku dokoyu nga' agaan i'," ka dau.

**Sinding Dit Abantug 2:10** Pokinongou no, moro-boros no i koupusan ku.

**Hosia 2:14,19,20** Boros kad Tuhan, "Iyo nopoddi om tanggayan ku nondo kawagu iyou do hilo'd tana' do kowotuan om hilo' nondo dot insasamadan ku iyou om sunudan ku iyou dot osianan oku dau. 19 Oi Israil, silihon ku nondo iya' do sawo ku; otulid oku i' om otorodok oku. Pointalangan kasai' ku i' iya' do kosianan om kolisihan om iyoho' nondo o sanganu diya' do gisom dot alaid. 20 Sulungon ku indo i batos ku om songonuon ku iya', om okunon nu nondo dot iyoho' o Tuhan nu.

**Kinosoliwanan 3:14** Om boros kad Kinorohingan, "Iyoho' nopo om IYOHO' I

**HINO KASAI'. Om poboroson no o poingkaa dot id diyolo', 'I roitan dot IYOHO' I HINO KASAI' o minonuhu' doho' do minongoi'd hiti'd dokoyu,' kanto.**

**Hosia 13:4 Om boros kad Tuhan, "Iyoho' no i Tuhan, i Kinorohingan dokoyu, i pinoposoliwan dokoyu do mantad hilo'd Masir. Aiso' no o Kinorohingan dokoyu'd suwai ko' iyoho'. Iyoho' no o gampamasi dokoyu.**

**Yohanis 15:14 Iyokoyu no o tambalut ku ondung momonsoi kou no di ponuhuan ku dokoyu.**

**Pinointalang 3:20 Antangai pogi'! Poingkakat oku no dot id wawayaan do mogkoritik. Ondung haro o tulun do korongou do boros ku, om mongiwang no di totobon, om sumuang oku nondo do mongoi solowot dau; om tumorungak oku nondo dau do makan om iyau nga' potorongak no doho'd makan.**

**Pastor T. John Franklin  
Church of Salvation, Healing, and Deliverance  
COS-HAD.org**